

*Pinguicula* utraque *alpina* et *villosa*, floribus pulchrius *oculatis* in Lapponia Tornensi, observantur; unde *Ping. flavescens*. *Myosotis scorpioides* floribus Lapponiæ grandioribus legitur a); atque hinc forte *Myosotis alpestris* facta.

a) Obs. Nulla hac forma in subalpinis Lapponiæ vulgarior. Folia radicalia obovata; ceterum tota planta succosior atque obesior ob solum pingvidum. Eadem planta glabrescit in aqua, ubi etiam folia lanceolata et calyx quinquedentatus evadunt, quæ forma *Myosotis palustris* forsitan audit. (Utraque forma sub Fl. Lapp. n. 98 a Cel. Wahlenberg intelligitur). Tertia myosotidis forma itidem in aqua enata, ad ripas lacuum sæpius inundatas lecta ex. gr. ad Öfver. Calix; quæ floribus minoribus, calycibus quinque-partitis, ferme glabris, pedicellisque longitudine calycis ad *M. caespitosam* Schultz, pertineret; nisi quod planta valde sit abbreviata atque simplex, utpote unico racemo subinde e radice exeunte constituta. Quarta in Lapponia forma, quam itidem in aqua legi, gracillima est floculis minutis; calycibus quinque partitis, laciniisque acutis; pilis raris adpressis; pedicellis vix longitudine calycis. Caulis filiformis est, et folia glabra anguste lanceolata, acuta et cito marcescentia; quam formam, nescio quo, referam; nisi *M. palustris* d. (Fr. Nov. Ed. 2. p. 63) hujus loci habeatur.

Hujusmodi formas, quamquam leviores sint a multis judicandæ, quia et rarius obtingant, minime tamen contemneudas censeo; nam et id, quod multi novarum rerum cupidi prorsus ignorare voluerunt, redarguere videntur, non omne, quidquid natura habet alieni, idcirco speciem esse; quum innumerabiles sint naturæ vires in plantarum formis creandis. Sic species illa Myosotidis, quæ de una Scorpioidide Linnæana in tot species divulsa, quot habet hebdoma dies, (vel postremum totidem plures) summos sæpe rei herbariæ scriptores nimis diu torsit; quæ tamen, omnibus in unam speciem collectis va-